



Broj: 13-02/1-05-28145-3/19
Sarajevo, 06.09.2019. godine

SKUPŠTINA KANTONA SARAJEVO
Služba za skupštinske poslove

- O v d j e -

KANTON SARAJEVO
Stručna služba Vlade
N/r Sekretara

- O v d j e -

Zastupnica Bibija Kerla je na Dvanaestoj radnoj sjednici Skupštine Kantona Sarajevo održanoj dana 24.07.2019.godine, u okviru tačke Dnevnog reda „Poslanička pitanja, inicijative i odgovori“, a u skladu sa čl. 21. i 214. Poslovnika Skupštine Kantona Sarajevo, postavila je zastupničko pitanje prema Ministarstvu za rad, socijalnu politiku, raseljena lica i izbjeglice Kantona Sarajevo, kako slijedi:

Šta je urađeno po pitanju procesa usvajanja djece Kantonu Sarajevo?

ODGOVOR

U vezi sa navedenim u postavljenom zastupničkom pitanju, ističemo činjenicu da je postupak usvojenja, potpunog i nepotpunog, na području Federacije Bosne i Hercegovine, regulisan Porodičnim zakonom Federacije Bosne i Hercegovine ("Službene novine Federacije Bosne i Hercegovine" br. 35/05, 41/05 i 31/14), (u daljem tekstu: Porodični zakon) koji je propisao ulogu Javne ustanove "Kantonalni centar za socijalni rad", kao organa starateljstva u navedenom postupku.



Organ starateljstva mjesta prebivališta, odnosno boravišta djeteta ako se njegovo prebivalište ne može utvrditi je nadležan za vođenje prvostepenog postupka. Osoba koja želi usvojiti dijete podnosi zahtjev organu starateljstva (član 105. Porodičnog zakona). Podnošenjem zahtjeva zainteresovani se evidentiraju u spisak potencijalnih usvojitelja. Zahtjev se može predati u više centara za socijalni rad u cijeloj Federaciji BiH. Federalno ministarstvo rada i socijalne politike sačinilo je Uputstvo o metodama utvrđivanja podobnosti djeteta i osobe koja želi usvojiti dijete i način izrade mišljenja o podobnosti za usvojenje ("Službene novine Federacije Bosne i Hercegovine" broj: 17/06) (u daljem tekstu: Uputstvo). U Uputstvu se nalazi i popis potrebne dokumentacije koju moraju prikupiti potencijalni usvojitelji. Obradu o podobnosti potencijalnih usvojitelja sačinjava multidisciplinarni stručni tim službe socijalne zaštite po mjestu prebivališta zainteresovanih potencijalnih usvojitelja.

Roditelj koji želi dati dijete na usvojenje mora dati svoj pismeni pristanak, ali tek kada dijete navrší 3 mjeseca života. Organ starateljstva mora upoznati roditelja koji daje pristanak sa pravnim posljedicama pristanka. Za usvojenje djeteta potreban je pristanak jednog ili oba roditelja. Pristanak roditelja mora biti izričit u odnosu na vrstu usvojenja. U postupku zasnivanja usvojenja roditelj djeteta, bračni partner osobe koja namjerava usvojiti dijete i dijete daju svoj pristanak za usvojenje pred organom starateljstva koji vodi postupak. Za usvojenje nije potreban pristanak roditelja usvojenika kojem je oduzeto roditeljsko staranje dok traje nesposobnost, koji ne živi sa djetetom, a tri mjeseca je u većoj mjeri zapustio staranje o djetetu, koji je maloljetan, a nije sposoban shvatiti značenje usvojenja, kome je ograničena ili oduzeta poslovna sposobnost i kome je boravište nepoznato najmanje 6 mjeseci, a u tom periodu se ne brine za dijete.

Kada su ispunjeni uslovi za zasnivanje usvojenja djeteta i ako je to u njegovom najboljem interesu, sa liste potencijalnih usvojitelja na osnovu zahtjeva i obrade o podobnosti, vrši se izbor nekoliko usvojiteljskih porodica sa kojima kompletni multidisciplinarni stručni tim službe socijalne zaštite općine nadležne za zaštitu djeteta obavi potrebne provjere, te od nekoliko porodica odabere onu koja je za dijete najbolja po svim svojim karakteristikama i potencijalima za obavljanje roditeljske uloge. Nakon toga dijete i potencijalni usvojitelji imaju nekoliko susreta, a zatim počinje adaptacioni period tokom koga dijete živi u porodici potencijalnih usvojitelja 6 mjeseci bez naknade. Tokom adaptacionog perioda stručni tim službe socijalne zaštite nadležne za usvojenje po mjestu prebivališta potencijalnih usvojitelja obavlja kontinuirane posjete porodici sa ciljem procjene toka adaptacije usvojenika i usvojitelja. Ukoliko se pokaže da tok adaptacionog perioda u toj porodici ne podrazumijeva najbolji interes za dijete, organ starateljstva može pokrenuti adaptacioni period i pokrenuti postupak za ispunjavanje uslova u pogledu podobnosti i svih uslova za zasnivanje usvojenja djeteta u drugu usvojiteljsku porodicu.

Organ starateljstva nakon 6 mjeseci praćenja i ispunjenih svih uslova na osnovu prikupljene potrebne dokumentacije navedene u Uputstvu, donosi rješenje o zasnivanju usvojenja. Organ starateljstva pravomoćno rješenje o zasnivanju usvojenja dostavlja u matični ured općine prebivališta usvojitelja radi upisa u knjigu rođenih. Protiv rješenja o zasnivanju usvojenja, stranka može podnijeti žalbu u roku od 8 dana od dana prijema rješenja drugostepenom organu Federalnom ministarstvu rada i socijalne politike.

Najveći broj potencijalnih usvojitelja u svojim zahtjevima za usvojenje izražavaju želju za usvojenjem djeteta do 3 godine starosti, a u većini slučajeva žele samo zdravo dijete, te je to često razlog zašto neka djeca pređu starosnu granicu za potpuno usvojenje (do 7. godine života), a zbog zdravstvenih poteškoća ne budu usvojena, te se radi na drugim oblicima zbrinjavanja djece.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089. Fax: + 387 (0) 33
562-090
Sarajevo, Reisa Džemaludina Čauševića 1




Quality management system
ISO 9001
• Customer focus
• Customer satisfaction
• Continuous improvement
• System processes
ID 15 100 63656

Neki roditelji ne žele dati dijete na usvojenje, te ih povremeno posjećuju i time onemogućavaju ostvarivanje boljeg interesa djeteta, odnosno život u porodici koja ga želi. Za djecu za koju su stečeni zakonski uslovi za usvojenje, a imaju različite poteškoće u razvoju, službe socijalne zaštite kontinuirano traže potencijalne usvojitelje sa spiska potencijalnih usvojitelja, a isto tako se obraćaju i drugim centrima za socijalni rad u drugim kantonima, kao što se i oni obraćaju Javnoj ustanovi „Kantonalni centar za socijalni rad”.

Smatramo značajnim istaći činjenicu da je odgovor na postavljeno zastupničko pitanje sačinjeno prema podacima iz Javne ustanove “Kantonalni centar za socijalni rad”, kao prvostepenom organu nadležnom za postupak provođenja usvojenja, te konsultujući odredbe Porodičnog zakona Federacije Bosne i Hercegovine koji propisuje institut usvojenja i Uputstva o metodama utvrđivanja podobnosti djeteta i osobe koja želi usvojiti dijete i način izrade mišljenja o podobnosti za usvojenje sačinjeno od strane Federalnog ministarstva rada i socijalne politike, kao nadležnog organa za institut usvojenja.

Pripremila: Senita Žilić, stručni saradnik
Kontrolisale: Cica Pljevljak, šef odjeljenja
Slavica Gorančić, pomoćnik r



MINISTAR


Mauk Garibija

Dostaviti:

1. Skupština Kantona Sarajevo
- Služba za skupštinske poslove,
2. Evidencija ministra
3. Stručna služba Vlade Kantona Sarajevo,
4. a/a.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



3916
2309

Bosna i Hercegovina
Federacija Bosne i Hercegovine
SKUPŠTINA KANTONA
SARAJEVO



Босна и Херцеговина
Федерација Босне и Херцеговине
СКУПШТИНА КАНТОНА
САРАЈЕВО

Bosnia and Herzegovina
Federation of Bosnia and Herzegovina

CANTON SARAJEVO
ASSEMBLY

Broj:01-05-28145-3/19
Sarajevo, 24.07.2019. godine

VLADA KANTONA SARAJEVO

MINISTARSTVO ZA RAD, SOCIJALNU POLITIKU,
RASELJENA LICA I IZBJEGLICE

Zastupnica Bibija Kerla na Dvanaestoj radnoj sjednici Skupštine Kantona Sarajevo, održanoj dana 24.07.2019.godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo postavila je **zastupničko pitanje**:

- **Šta je urađeno po pitanju procesa usvajanja djece u Kantonu Sarajevo?**

Zastupnica je pitanje dostavila u pisanoj formi, te vam isto dostavljamo u prilogu s molbom da u skladu sa odredbama Poslovnika Skupštine Kantona Sarajevo („Službene novine Kantona Sarajevo“ broj 41/12 - Drugi novi prečišćeni tekst, 15/13 i 47/13,47/15,48/16) odgovore, u pisanom obliku, uputite predsjedavajućem Skupštine Kantona Sarajevo kako bi iste dostavili zastupnici Kerli, kao i ostalim zastupnicima Skupštine.

Prilog: Zastupničko pitanje Bibije Kerle

CO:

-sekretar SKS
-sekretar Vlade Kantona



Pripremila: Jasminka Deliahmetović *h*



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čanševića 1





SKUPŠTINA KANTONA SARAJEVO

Vlada Kantona Sarajevo

Ministarstvo za rad, socijalnu politiku, raseljena lica i izbjeglice

12.Sjednica Skupštine KS

Pitanje broj 65/12

Pitanje :

Šta je urađeno po pitanju procesa usvajanja djece u Kantonu Sarajevo?

Obrazloženje:

U Bosni i Hercegovini više od 2.000 djece živi bez roditeljskog staranja, a približno polovina njih odrasta u određenim ustanovama. Proces usvajanja djece u našoj zemlji a time i u Kantonu Sarajevo je komplikovan pa me interesuje šta uraditi po ovom pitanju da bi oni koji žele usvojiti djete to i ostvarili?

Zahtjeva za usvajanje djece bude mnogo više u odnosu na broj usvojene djece što navodi na činjenicu da je potrebno hitno donijeti jednostavniji postupak za rješavanje ovoga problema.

Sarajevo, 24.07.2019

Zastupnica DF-a

Elvira Karić